

，鼓吹籌餉，勞瘁不辭，可爲感佩。加屬同志衆多，熱心素著，使能相相相愛，協力不懈，則收效必大。兄卓識宏謀，經歷又富，自能振作有餘。所謂暫託總務科主任陳鴻文兄代理部務一節，應即照准。此復，並頌精神。

① 據黨史會藏「總理函稿」(016)(18)。

復仰光支部黃德源李慶標勸僑胞輸餉討逆函①

民國十二年(一九三三年)一月

德源、慶標兄惠鑒：接誦來翰，並閱僑會所名籍及閩商姓名一紙，藉悉關懷桑梓，互策進行，良畫盡②籌，至堪嘉佩；經即轉致林省長，料當照辦。目下討賊軍進攻泉漳，不日可下，泉漳一定，閩局全安。仍希兄等鼓勵僑衆，踴躍輸將，義師倘獲實力之後援，吾人必收最後之勝利，幸共勉諸。專此手復，並頌壽祉。同志衆兄，均此致意。孫文。

① 據「本部公報」一卷二號(民國十二年一月二十日出版)。

② 原文作「盡」，今改正。

復橫濱支部沈雙指日平反函①

民國十二年(一九三三年)一月

同志諸兄均鑒：接誦函電，備荷眷注，感親至深。近詭橫濱黨務進展非常，規模氣象，煥然一新，非諸君子勉勵奉公，毅誠將事，曷克臻此。日來粵局陡變，平反之期，指日可俟，願兄等撰袂奮興，作義軍後援，救國救國，端在新舉，其共勉之。此復，即頌新禧。孫文。

① 據「本部公報」一卷二號。

復羅省分部告前助討陳軍費仍准購買飛機函①

民國十二年(一九三三年)一月

羅省分部同志諸兄均鑒：接黃子聰總幹事函，藉悉貴部同志曾集巨款，擬購飛機，爲救國用。嗣因陳逆叛亂，擬撥該款資助討逆，祇以將款變移，恐於信用有關，特商黃總幹事代請仍作購飛機一架存案等由。仰念兄等赴義急公，願

宏力毅，方之古人毀家報國者，何復多讓，所謂存案，自應照准。俟楊仙逸兄所辦飛機運到，即擇其一，刻以「美國羅省分部捐贈」字樣可也。義軍回粵，近已開拔，待需軍餉殊急，兄等其再接再厲，作義軍有力後援，則黨仇國賊之陳逆，有不難一鼓蕩平者矣。專此手勛，并候任安。孫文。

① 據「本部公報」一卷二號。

致佟兆元謝餽物並論東北交涉函^①

民國十二年（一九三三年）二月一日

得一先生執事：辱惠書，遠承藻飾，敢不加勉。文與執事雖未嘗相見，然當秀翹兄在奉天時，數數來書，輒為道執事梗概；文於執事，蓋所謂神交，不在形跡之疏與密也。吾國外交素稱棘手，東省處日俄之衝，交涉尤難，執事周旋其間，綽有餘裕，具見長才，曷勝佩慰。蒙贈貴鄉珍產，一一敬領。何時得與執事晤對一堂，縱談天下事耶？維日望之矣。丹甫北來，已囑其代達一切。專覆並謝，即頌時綏。二月一日。

① 據黨史會藏「總理函稿」(No. 1616)。

復于沖漢告陳竄沈變當繼續奮鬥函^①

民國十二年（一九三三年）二月一日

雲章先生執事：秀翹來，備述雅意；又辱惠牋，推獎逾恆，令人感奮。執事才智軌業，經驗宏多，對於全局之統籌，必有踴躍而滿志者。文自陳氏敗竄，方期提挈兩粵，與天下豪傑，共策和平；不圖旬日之間，沈變繼作，北庭謬妄，即欲乘間抵隙，肆其野心，以達彼武力鞭策天下之宿志，良用慨然。文當此惟有繼續努力，貫徹初衷，以與編國者奮戰而已。如荷不棄，尚希時錫嘉言，匡其不逮，企盼之殷，蓋有非語言所可宜者。餘由丹甫面達。即頌壽祺。二月一日。

① 據黨史會藏「總理函稿」(No. 1616)。